



Universitätsbibliothek Paderborn

**Sancti Lvdovici Caroli II. Regis Siciliæ Filii, Ex Ordine
Minorvm Episcopi Tolosani Vita**

Sedulius, Henricus

Antverpiæ, 1602

Cap. II. Cum duobus fratribus obses datur pro patre. de constantiâ eius in
captiuitate.

urn:nbn:de:hbz:466:1-42834

ingenio. Hæc probitatis initia in tenello puerō, tanquam in herbis, significabant, quæ, quantæque fruges essent futuræ virtutis & sanctitatis.

CAPUT II.

*Cum duabus fratribus obſes datur pro patre. de
constantia eius in captiuitate.*

ATENIM cùm esset dilectus Dei filius, necesse fuit eum temptatione, quasi au-
Sap. 3. Gen. 25. 27. rum in fornace probari. Annis igitur puerili-
bus, exemplo sancti Patriarchæ Iacob, domi-
simpliciter actis; dispositione Dei flagellantis omnem filium quem recipit, cùm attigis-
set annum ætatis quartum decimum, missus
est in Cathaloniam pro liberando patre, fi-
lius Ludouicus obſes, cum duobus germanis
fratribus; ubi toto septennio constantiam
eius tum ipsa captiuitas, tum adhibiti custo-
des mirum in modum exercuerunt: plures
ut confirmaret piis exemplis, & salutaribus
monitis ad patientiæ virtutem animaret.
Aliquando rogatus, qui posset illi in tot ad-
uersis, tanta esse æquabilitas, idem vultus,
eadem frons: tum ille aduersa, inquit, amicis
Dei plus conducunt, quàm prospera. tunc
Deo subditi sumus, quando aduersis urge-
mur. Secundæ res mentem extollunt, atque
efficiunt ut Deum non cogites, non verearis.
Fortuna etenim ut ignarus medicus, cæcos

Mittitur
obſes in
Cathalo-
niam.

*Aduersa
probant
virum.*

B 3 eos

cos plerumque efficit quos complectitur; &
quem nimium fouet, stultum facit. Atque
ideo infelix ille in quem nihil triste incurrit:
hic aut sibi ignotus, ut qui nunquam sui pe-
riculum fecerit; aut Deo inuisus, quem præ-
terit velut ignauum ad conflictum. Aduersi
aliquid eueniat oportet, quod probet virum.
sed magni animi proprium est, placidum
esse, & tranquillum: tristia quæque superne
despicere, humanosque casus virtute inferio-
res putare; calamitates mortalium sub iugum
mittere proprium est magni viri. Itaque in
Quibus ille melior euasit.
arenâ illâ tam salutariter exercitatus, in tan-
tum promouit, ut, postquam esset custodiâ
liberatus, adfirmauerit nunquam se rogasse
Dominum Deum, carcere liberari, præter
semel: hac tamen cautione, si esset salutare.
& quod magis mireris, noluisse opibus totius
mundi carcerem illum commutatum: po-
tiùs iterum repetere, in cuius gymnasio tan-
tum profecisset. Citabat huic fini illud
Prophetæ, *Lætati sumus pro diebus, quibus nos humiliasti; annis quibus vidimus mala. Vix enim sapimus nisi experti.*

C A P V T I I I.

*De morbo eius, & voto, quo se instituto
D. Francisci adstrinxit.*

LIcet verò in ipsâ captiuitate, tanquam al-
ter Tobias, viam veritatis non desereret; Tob. 1.
decreuit tamen diuina prouidentia, quæ ip-
sum